

Fundur skólaráðs Fossvogsskóla 15. júlí 2021 kl. 10:00

Mætt: Gísli Sigurðarson og Halla Gunnarsdóttir (fulltrúar kennara í skólaráði), Helena Rósa Róbertsdóttur (fulltrúi starfsfólks í skólaráði), Agnar Freyr Helgason og Karl Óskar Þráinsson (fulltrúar foreldra í skólaráði), Árni Freyr Thorlacius Sigurlaugsson og Ingibjörg Ýr Pálmadóttir skólastjórnendur Fossvogsskóla

Dagskrá fundar:

- Ræða sviðsmyndir að skólastarfi Fossvogsskóla skólaárið 2021 – 2022

Rætt var um hvaða leið skuli farin við val á staðsetningu skólahúsnæðis Fossvogsskóla fyrir komandi skólaár. Fimm sviðsmyndir sem kynntar voru á upplýsingafundi þann 30. júní síðast liðinn voru ræddar frá ólíkum hliðum; bæði kennslufræðilegum og úrlausnarlegum hliðum. Rætt um rútmál og leiðir nemenda í og úr skóla miðað við ólíkar staðsetningar rúttanna.

Rætt var um að ganga út frá því að horfa til Sviðsmyndar 2 (og til vara Sviðsmynd 1 ef Sviðsmynd 2 fellur á skipulagsmálum, meðal annars vegna grenndarkynningar).

Rifjað var upp að tillaga skólaráðs færi inn í afgreiðslu skipulagsfulltrúa næsta dag, þann 16. júlí. Það sé 30 daga ferli og svo væri hægt að hefjast handa við uppbyggingu færanlegra kennslueininga í Fossvogi.

Bent var á að tillaga skólaráðs Fossvogsskóla væri lögð inn til samþykktar í borgarráði þann 22. júlí og eftir það væri hægt að hefjast handa við samþykkt deiliskipulags.

Rætt var um leiðir til að sameina starfsstöðvar Korpuskóla og Fossvogs einu sinni í viku.

Fundi slitið kl. 11:00

Fundarritari: Ingibjörg Ýr Pálmadóttir

Dregin var upp svohljóðandi ályktun sem skólaráð samþykkti sín á milli síðar þennan dag.

Efni:

Ályktun skólaráðs Fossvogsskóla um húsnæðismál skólans á komandi skólaári 2021 til 2022

Fundur skólaráðs Fossvogsskóla var haldinn fimmtudaginn 15. júlí 2021. Markmið fundarins var að fara yfir og álykta um sviðsmyndir sem lagðar voru fram 30. júní á upplýsingafundi með skóla- og frístundasviði, umhverfis- og skipulagssviði, fulltrúa Eflu, fulltrúa Verkís, fulltrúum starfsfólks skólans, fulltrúa SAMFOK, og fulltrúum foreldra í foreldrafélagi Fossvogsskóla.

Skólaráð Fossvogsskóla ályktar að sviðsmyndir 1 og 5 sem kynntar voru á upplýsingafundi skólaráðs í lok síðasta mánaðar með hagamunaaðilum í skólasamfélaginu komi ekki til greina sem úrlausn vegna húsnæðismála skólans á komandi skólaári. Þær eru því úr myndinni. Sviðsmynd 1 var fullunnin fyrir fundinn en sviðsmynd 5 þróaðist úr samtali á fundinum.

Skólaráð Fossvogsskóla telur nauðsynlegt að halda sviðsmyndum 2, 3 og 4 opnum áfram. Ljóst er að 4. – 7. bekkur muni hefja skólaárið í Korpuskóla. Því er horft til þess að fyrsta skrefið sé að koma

verðandi nemendum í 1. til 3. bekk í tíu færanlegar kennslustofur á bílastæði við skólalóð skólans samkvæmt sviðsmynd 2 fyrir skólabyrjun mánudaginn 23. ágúst.

Þessi ályktun ýtir undir að taka þurfti til frekari umfjöllunar sviðsmyndir 2, 3, og 4 út frá nemendum í 4. – 7. bekk og starfsfólki skólans. Ljóst er að halda þarf sérstaka kynningarfundir með starfsfólki skólans annars vegar og foreldrum nemenda í skólanum hins vegar til að ræða mögulegar leiðir í skólastarfi fyrir fjóra elstu árganga skólans. Lagt er til að fundirnir verði haldnir í vikunni 16. til 20. ágúst. Huga þarf að og kynna sérstaklega hvernig aðalnámskrá grunnskóla verður best uppfyllt í námslegu tilliti samkvæmt sviðsmyndum 2, 3 og 4. Hér þarf því að ræða allar námgreinar; bæði bóklegar og verklegar. Einnig þarf að huga að hagsmunum starfsfólks og nemenda vegna fjarlægðar við Korpuskóla.

Það liggur fyrir að vilji er til þess að allt skólastarf Fossvogsskóla komist í færanlegar kennslustofur í nálægð við Fossvogsskóla á skólaárinu sé þess nokkur kostur.

Virðingarfyllt,

Ingibjörg Ýr Pálmadóttir, skólastjóri Fossvogsskóla

Árni Freyr Thorlacius Sigurlaugsson, aðstoðarskólastjóri Fossvogsskóla